



Izveštaj akcije „SIGURNOST DJECE U SAOBRAĆAJU

U okviru programa Evropske povelje o cestovnoj sigurnosti Bosanskohercegovački auto-moto klub (BIHAMK) je tokom mjeseca decembra realizovao opsežnu saobraćajno-preventivnu akciju „Sigurnost djece u saobraćaju“.

Učenci osnovnih škola širom BiH su na popularan način bili aktivno uključeni u realizaciju planiranih saobraćajno-preventivnih aktivnosti koje su se sastojale od predavanja s prezentacijom i kviza iz poznavanja saobraćaja.

U saradnji sa predstavnicima auto-moto klubova, pripadnicima MUP-a i uz značajnu podršku lokalnih medija, ove aktivnosti su realizovane u sljedećim osnovnim školama: Mrkonjić Grad (OŠ „Ivan Goran Kovačić“), Bihać (OŠ „Kamenica“), Cazin (OŠ „Liskovac“), Olovo (OŠ „Hasan Kikić“), Zenica (Katolički školski centar „Sveti Pavao“), Zenica (OŠ „Musa Ćazim Ćatić“), Goražde (OŠ „Ustikolina“), Jablanica (OŠ „Suljo Ćilić“), Mostar (OŠ „Bijelo Polje“), Kladanj (OŠ „Kladanj“), Tuzla (OŠ „Pasci“), Sarajevo (OŠ „Meša Selimović“), Sarajevo (OŠ „Hrasno“), Sarajevo (OŠ „Nafija Sarajlić“), Turbe (OŠ „Turbe“) i Bugojno (Druga OŠ „Bugojno“).

Pobjednicima kviza uručene su atraktivne nagrade (koturaljke i štitnici za ruke i noge), a svim učesnicima prigodni pokloni sa edukativnim sadržajem (brošure, bojanke, leci, lenjiri, Revije BIHAMK Auto). Osim toga, predstavnicima svih škola u kojima su realizovane ove saobraćajno-preventivne aktivnosti su dodjeljena bicikla i kacige kao pomoć u budućoj edukaciji učenika u okviru školskih saobraćajnih sekcija.

Zahvaljujući dobro obavljenim pripremnim aktivnostima, predavanjima se odazvao veoma veliki broj učenika i nastavnika, te je u prosjeku zabilježena posjećenost od preko 200, a u pojedinim školama i preko 400 osoba. Ukupno, akcijom je direktno obuhvaćeno oko 3.500 učenika, a indirektno i više od 20.000 učenika, jer su značajne količine informativno-edukativnih publikacija podijeljene u okviru dječijeg časopisa „Vesela sveska“, kao i u školama i auto-moto klubovima za daljnje saobraćajno-preventivno djelovanje.

Realizujući navedenu kampanju primjećen je znatno nizak nivo znanja djece iz oblasti saobraćajne problematike, s posebnim osvrtom na poznavanje značaja katadioptra, odnosno reflektirajućih materijala na odjevnim predmetima i školskim torbama. Stoga se nameće potreba nastavka sličnih aktivnosti uz uključenje većeg broja škola i djece u njihovu realizaciju. Osim toga, nastavnici koji rade sa učenicima u okviru školskih saobraćajnih sekcija iskazali su potrebu za organizacijom seminara kako bi se dodatno educirali i informisali, a usvojena znanja prenijeli na učenike.

	Ime i prezime	Škola/Mjesto
1.	Emir Ajkunić	II OŠ / Bugojno
2.	Adna Langić	OŠ „Turbe“
3.	Belmin Čučuković	OŠ „Hasan Kikić“ / Olovo - Solun
4.	Elvedina Džulović	OŠ „Pasci“ / Tuzla
5.	Akim Berberović	OŠ „Kamenica“ / Bihać
6.	Ahmed Pašalić	OŠ „Musa Čazim Čatić“ / Zenica
7.	Nikolina Antonović	Katolički školski centar „Sv. Pavao“ / Zenica
8.	Hana Jarić	OŠ „Suljo Čilić“ / Jablanica
9.	Melisa Memić	OŠ „Bijelo Polje“ / Mostar
10.	Kerim Brkić	OŠ „Meša Selimović“ / Sarajevo
11.	Adi Voloder	OŠ „Hrasno“ / Sarajevo
12.	Nataša Lekić	OŠ „Ivan Goran Kovačić“ / Mrkonjić Grad
13.	Mejrem Batalović	OŠ „Nafija Sarajlić“ / Sarajevo
14.	Taisa Muslić	OŠ „Ustikolina“
15.	Muhamed Gurda	OŠ „Kladanj“

Tabela1: Spisak učenika koji su osvojili koturaljke sa štitnikom (kviz u sklopu predavanja)

